



共四十二
婦人良方
二



中武
584
22



武門
卷二

婦人良方卷之二

薛氏醫按

臨川陳自明編 吳郡薛 已註

新都 吳中珩校

衆疾門 經脈不調衆疾生焉故以女之

產寶方論第一

古人治婦人別著方論者以其胎妊生產崩傷之異况鬱怒倍於男子若不審其虛實而治之多致天枉

愚按前說誠為精確諺云寧治十男子莫治一婦人寧治十婦人莫治一小兒義可見矣

博濟方論第二

夫人將攝順理則氣血調和六淫不能為害若勞傷血氣則風冷乘之脾胃一傷飲食漸少榮衛日衰肌膚黃燥面無光澤若

武門
卷二

婦人良方 卷之二
入大腸則下利若入關元則絕嗣故婦人病有三十六種皆由衝任勞損而致蓋衝任之脈為十二經之會海其病皆見於少陰太陽之經當於此候之

愚按前論精密學者當從此類推之

寇宗奭論第三

婦人雖有別科然亦有不能盡聖人之法岐伯曰凡病察其形氣相得則易治形氣相失則難治又曰診病之道觀人勇怯骨肉皮膚能知其情以為診法今富貴之家自處帷幔出手診候不能盡望問切之情率爾投藥烏可盡其術乎况醫者質問諄諄病家遂謂術業不精而不信豈能使藥之奏效耶丹溪云凡人之形長不及短大不及小肥不及瘦人之色白不及黑嫩不及蒼薄不及厚况肥人濕多瘦人火多白者肺氣虛黑者

腎氣足形色既殊臟腑亦異外證雖同治法迥別所謂八貴脈浮瘦人責脈沉躁八疑脈緩緩人疑脈躁以其不可辨也若夫病勢危急必須察色以觀其外診脈以知其內醫之

乎不至於有誤矣
府庠徐道夫母胃脘當心痛極右寸關俱無左雖有微而欲絕手足厥冷余以上部無脈不吐為不治然察其眼胞上下青黯此脾虛肝木所勝以參朮茯苓陳皮甘草補中益氣以木香和胃氣行肝氣以吳茱萸散脾胃之寒止心腹之痛遂急與一劑連去二次再進諸病悉愈

通用方序論第四

夫通用方者蓋產前產後皆可用也或一方治諸症不可入於專門當通變而施治焉可泥也

加減四物湯 治血虛月經不調腰腹作痛崩中漏下半產產後惡露內停或去血過多而痛方見八卷第十三論

愚按血虛之症若肝脾血燥用加味道遙散肝火血躁用八珍湯加山梔牡丹皮肝經風熱血燥用六味地黃丸肝脾火燥血虛用四物柴胡山梔肝經氣血虛弱用四君芎歸熟地腎水涸而肝血虛用六味地黃丸金尅木而肝血虛與心火亢而肝血虛亦用前丸若氣虛而血弱用補心湯胃氣陷而血虛用補中益氣湯脾氣弱而血虛用六君子湯脾氣鬱而血虛用加味歸脾湯大凡血虛之症或氣虛血弱或陽氣脫陷或大失血以致發熱煩渴等症必用四君歸芪或獨參甘溫之劑使陽旺則陰生其病自愈若用寒涼降火乃速其危也

交加散 治經脈不調腹中撮痛或結聚癥瘕產後中風

生地黃一斤取汁 生薑十二兩取汁

右以地黃汁炒薑根薑汁炒地黃根乾為末每服三錢溫酒調加芍藥玄胡索當歸蒲黃桂心各一兩沒藥紅花各五錢尤効

補中丸 治氣血俱虛諸症即八珍湯為丸方見二十四卷第四論

附方

加味歸脾湯

加味道遙散

八珍湯三方見二十四卷第四論

六味丸方見二十四卷第十一論

四物湯

四君子湯

六君子湯

補中益氣湯

四方見二十四卷第六論

獨參湯

方見三卷第十三論

婦人良方卷之三

薛氏醫按

臨川陳

目明編

吳郡薛

已註

新

都

閔道政校

婦人中風諸症方論第一

夫中風者因內虛而中之也蓋風為四時八方之氣常以冬至之日自坎而起從其鄉來者主長養萬物否則名為虛風賊害萬物從背而入或中腑或中臟或中血脈經絡其症或肢體不遂或手足偏枯或痰涎壅塞或口眼歪斜或牙關緊急或腰背反張若眼開口閉涎流失音者難治如眼閉口開鼾睡遺尿者死中風中氣皆用蘇合香丸中氣用三生飲若作風治百無生

愚按中風者即內經所謂偏枯風痺風懿風痺是也而有中腑中臟中血脈之分焉夫中腑者為在表中臟者為在裏中

婦人良方 卷之三
血脈者為在中。在表者宜微汗。在裏者宜微下。在中者宜調榮。中腑者多著四肢。如手足拘急不仁。惡風寒。此數者病淺。皆易治。用加減續命湯之類。中臟者多滯九竅。如眼瞽者。中于肝。舌不能言者。中于心。唇緩便秘者。中于脾。鼻塞者。中于肺。耳聾者。中于腎。此數者病深。多難治。中血脈者。外無六經之證。內無便溺之阻。肢不能舉。口不能言。用大秦芫湯主之。中腑者多兼中臟。如左關脈浮弦。面目青。左脇偏痛。筋脈拘急。目瞶。頭目眩。手足不收。坐踞不得。此中膽兼中肝也。用犀角散之類。如左寸脈浮洪。面舌赤。汗多。惡風。心神顛倒。言語蹇澁。舌強口乾。忪悸恍惚。此中。小腸兼中心也。用麻黃散之類。如右關脈浮緩。或浮大。面黃。汗多。惡風。口喎語澁。身重。怠惰嗜臥。肌膚不仁。皮肉瞶。腹膨不食。此中胃兼脾也。

用防風散之類。如右寸脈浮。瀝而短。面色白。鼻流清涕。多喘。胸中冒悶。短氣。自汗聲嘶。肢痿弱。此中大腸兼中肺也。用五味子湯之類。如左尺脈滑。面目黧黑。腰脊痛。引小腹。不能俛仰。兩耳虛鳴。骨節疼痛。足痿善恐。此中膀胱兼中腎也。用獨活散之類。此皆言真中風也。而有氣血之分焉。蓋氣虛而中者。由元氣虛而賊風襲之。則右手足不仁。用六君子湯加釣藤。薑汁。竹瀝。血虛而中者。由陰血虛而賊風襲之。則左手足不仁。用四物湯加釣藤。竹瀝。薑汁。氣血俱虛而中者。則左右手足皆不仁也。用八珍湯加釣藤。薑汁。竹瀝。其與中風相類者。則有中寒。中濕。中火。中氣。食厥。勞傷。房勞等症。如中於寒者。謂冬月卒中寒氣。昏冒口噤。肢攣惡寒。脈浮緊。用麻黃桂枝理中湯之類。中於暑者。謂夏月卒中暑氣。昏冒痿厥。

吐瀉喘滿用十味香薷飲之類中於濕者丹溪所謂東南之人多因濕土生痰痰生熱熱生風也用清燥湯之類加竹瀝薑汁中於火者河間所謂非肝木之風內中六淫之邪外侵良由五志過極火盛水衰熱氣拂鬱昏冒而卒仆也用六味丸四君子獨參湯之類內有恚怒傷肝火動上炎者用柴胡湯之類中於氣者由七情過極氣厥昏冒或牙關緊急用蘇合香丸之類誤作風治者死食厥者過於飲食胃氣自傷不能運化故昏冒也用六君子加水香勞傷者過於勞役耗損元氣脾胃虛衰不任風寒故昏冒也用補中益氣湯房勞者因腎虛精耗氣不歸源故昏冒也用六味丸此皆類中風者也夫內經主於風河間主於火東垣主於氣丹溪主於濕愚之斯論僭補前人之闕也夫地之南北人之虛實固有不同

其男子女人大略相似當與後論參看通變治之。

附治驗

新門老夫人先胸脇脹痛後四肢不收自汗如水小便自遺大便不實口緊目瞶飲食頗進十餘日矣或以為中臟公甚憂余曰非也若風既中臟真氣既脫惡症既見禍在反掌焉能延之乃候其色面目俱赤而面或青診其脈左三部洪數惟肝尤甚余曰胸乳脹痛肝經血虛肝氣否塞也四肢不收肝經血虛不能養筋也自汗不止肝經風熱津液妄泄也小便自遺肝經熱甚陰挺失職也大便不實肝木熾盛尅脾土也遂用犀角散四劑諸症頓愈又用加味逍遙散調理而安後因鬱怒前症復作兼發熱嘔吐飲食少思月經不止此木盛尅土而脾不能攝血也用加味歸脾湯為主佐以加味逍

遙散調補肝脾之氣清和肝脾之血而愈後每遇怒或睡中手足抽搐復用前藥即愈

大參朱雲溪母於九月內忽仆地痰昧不省人事唇口喎斜左目緊小或用痰血之劑其勢稍緩至次年四月初其病復作仍進前藥勢亦漸緩至六月終病乃大作小便自遺或謂風中於臟以爲不治余診之左關弦洪而數此屬肝火血燥也遂用六味丸加五味麥門芎歸一劑而飲食頓進小便頓調隨用補中益氣加茯苓山梔釣藤丹皮而安至十月復以傷食腹痛作瀉左目仍小兩關尺脈弦洪鼓指予以六君加木香吳茱升麻柴胡一劑而痛瀉俱緩復以六君加肉果故紙一劑諸脈頓平痛瀉俱止余謂左關弦洪由肝火血燥故左目緊小右關弦洪由肝邪乘脾故唇口喎斜腹痛作瀉二

尺鼓指出元氣下陷設以目緊口喎誤作風中投以風藥以腹痛泄瀉誤作積滯投以峻劑復耗元氣爲害甚矣後以陽虛惡寒圍火過熱致痰喘誤服寒劑而幸

一婦人因怒仆地語言蹇澁口眼喎斜四肢拘急汗出遺尿六脈洪大肝脈尤甚皆由肝火熾盛蓋肝主小便因熱甚而自遺也用加味道遙散加釣藤及六味丸尋愈

一老婦兩臂不遂語言蹇澁服祛風之藥反致筋攣骨痛余謂此肝火血虛所致用八珍湯補氣血用地黃丸補腎水佐以排風湯年餘而愈

一婦人經行口眼歪斜痰涎壅盛此血虛而肝火動用加味道遙散加牡丹皮治之尋愈後因飲食停滯日吐痰涎此脾氣虛不能攝涎歸經也用六君子二十餘劑而安

婦人良方 卷之三
一婦人因怒口眼歪斜痰涎上湧口噤發搐此脾肺氣虛而肝木旺用六君子加木香釣藤柴胡治之漸愈又用加味歸脾湯調理而安

一產婦勤於女工忽仆地牙關緊急痰喘氣粗四肢不遂此氣血虛而發瘧朝用補中益氣湯加茯苓半夏夕用八珍湯加半夏各三十餘劑不應此氣血之未復藥之未及也仍用前二湯又用五十餘劑尋愈

一婦人素有內熱月經不調經行後四肢不能伸臥床半載或用風濕痰火之劑不効其脈浮緩按之則濇名曰瘵瘵屬風寒所乘用加味逍遙散加肉桂防風四劑頓愈及以八珍湯調理兩月餘而痊

一婦人素經行後期因勞怒四肢不能屈名曰瘵症此血虛而風熱所乘先用八珍湯加釣藤柴胡漸愈更佐以加味逍遙散調理而痊

一婦人四肢攣屈煩痛自汗小便短少畏見風寒脈浮弦緩此氣血虛而風寒濕熱相搏先用東垣清燥湯漸愈再用加味逍遙散及八珍湯加牡丹皮而痊

一婦人素有火忽然昏瞶瘈瘲抽搐善伸數欠四肢筋攣痰涎上升此肺金燥甚血液衰少而然也用清燥湯六味丸兼服尋愈

一婦人肢節作痛不能轉側惡見風寒自汗盜汗小便短少雖夏亦不去衣其脈浮緊此風寒客於太陽經用甘草附子湯一劑而痊

一婦人因怒發搐嘔吐痰涎口禁昏憤氣口脈大於人迎此

氣滯而食厥用平胃散加茯苓半夏木香治之而甦更以六君子加木香漸愈乃去木香又二十餘劑而痊

一婦人元氣素虛勞則體麻發熱痰氣上攻或用烏藥順氣散祛風化痰丸之類肢體痿軟痰涎自出面色痿黃形體倦怠而脾肺二脈虛甚此氣虛而類風朝用補中益氣湯夕用十全大補湯漸愈又用加味歸脾湯調理尋愈

一婦人體肥胖頭目眩暈肢體麻木腿足痿軟自汗身重其脈滑數按之沉緩此濕熱乘虛也用清燥羌活二湯漸愈更佐以加味逍遙散全愈

一婦人口眼歪斜四肢拘急痰涎不利而惡風寒其脈浮緊此風寒客於手足陽明二經先用省風湯二劑後用秦艽升麻湯而愈

一婦人素性急患肝風之症常服搜風順氣丸秦艽湯之類後大怒吐血唇口牽緊小便頻數或時自遺余以為肝火旺而血妄行遂用小柴胡湯加山梔牡丹皮漸愈五年之後又大怒吐血誤服降火祛風化痰之劑大便頻數胸滿少食用清氣化痰之劑嘔而不食頭暈口乾不時吐痰用導痰降火之類痰出如湧四肢常冷余曰嘔而不食胃氣虛弱也頭暈口乾中氣不能上升也痰出如湧脾氣不能攝涎也四肢逆冷脾氣不能運行也用補中益氣加茯苓半夏治之諸症漸愈又用加味歸脾湯兼服而安

鴻臚王繼之室人素有癩症遇勞役怒氣則發良久自省一日因飲食勞役失宜發而半日方省不能言語或以為風中於臟用祛風化痰順氣之劑及牛黃清心丸病益甚六脈浮

大兩寸虛而不及本部。且進飲食。余曰。此脾胃之氣傷也。若風中於臟。禍在反掌。彼不信。仍用風藥。後果卒。

婦人吐痰頭暈肢體麻木 見第四卷

娠婦發搖似中風 見第十四卷

產後發瘧似中風 見第十九卷

男子諸症 見內科摘要

排風湯 治風邪入臟狂言妄語。

白鮮皮 白朮 白芍藥炒 桂心

川芎 當歸 防風

甘草各二兩 白茯苓 麻黃去節 獨活各三兩 杏仁去皮尖炒

三生飲 治卒中不省。口眼喎斜。痰壅喉響。無問外感內傷。痰厥氣虛眩暈。但六脈沉。悉有神効。

生南星 生烏頭去皮尖 生附子各半兩 木香一錢

右每服半兩薑水煎。不省人事。以細辛。皂角末少許吹鼻中。得嚏。進藥。氣盛。只用南星五錢。生薑十四片煎飲之。名星飲。愚按三生飲。乃行經絡治寒痰之良藥。斬關奪旗之神劑。每服必用人參兩許。驅其外邪。而補其真氣。否則不惟無益。適以取敗。觀先哲用芪附朮附等湯。其義可見。

加減小續命湯 治中風半身不遂。口眼喎斜。手足戰掉。語言

蹇澁。神思昏亂。筋攣骨痛。或脚氣緩弱。陰晦復作。

麻黃去節 防已 人參 黃芩炒

桂心 甘草炒 白芍藥 川芎

杏仁各一兩 附子炮半兩 防風半兩

右每服五錢薑棗水煎。精神恍惚。加茯苓。遠志。有熱去附子。

加芍藥心煩加犀角半兩骨冷痛加桂附嘔逆腹脹加人參
半夏一兩躁悶便澀去附子加芍藥一兩竹瀝一合臍寒下
利去防已黃芩加附子白朮一兩自汗去麻黃杏仁加白朮
一兩脚弱加牛膝石斛一兩身痛加秦艽一兩腰痛加桃仁
杜仲半兩失音加杏仁一兩

小引風湯

防風

獨活

細辛

川芎

五味子炒

白茯苓

人參

白芍藥炒

白朮炒

甘草等分

右每服五錢薑三片杏仁五箇水煎服加麻黃茯苓附子當

歸羚羊角等分即大引風湯也

必効竹瀝湯 治中風痰涎壅盛言語塞滯四肢緩縱

秦艽

防風

獨活

附子

右以水二盞煎半盞入生地汁淡竹瀝各半盞再煎四五沸
作四服病既去以他藥調治未愈再服最効

星香湯 治中風痰盛服熱藥不得者

南星

木香等分

右每服四錢薑十片水煎

星附湯 治中風痰涎上攻六脈沉伏不知人事

附子生用

南星生用各一兩 木香半兩

右每服四錢薑水煎寒甚加天雄川烏多灸關元丹田二穴

附方

三化湯 治中風外有六經之形症先以加減續命湯治內有
便溺之阻隔者此方主之

厚朴薑汁炒

大黃酒蒸

枳實麸炒

羌活各八兩

續命湯

續命湯

續命湯

右每服一兩水煎

秦芫湯 治中風外無六經之形症內無便溺之阻隔乃血弱不能養於筋手足不能運口強不能言宜養血而筋自榮也

秦芫

石膏各二兩

甘草炒

川芎

當歸

芍藥炒

羌活

獨活

防風

黃芩炒

白芷

生地黃

熟地黃白製

白朮

白茯苓各一兩

細辛半兩

右每服一兩水煎陰雨加生薑七片春夏加知母一兩

省風湯 治中風口噤口眼喎斜筋脈攣急抽掣疼痛風熱痰

防風

南星生用各四兩

半夏水浸洗

黃芩

甘草生用各二兩

右每服五錢水煎

大八風湯 方見後

燒竹瀝法

用新竹截尺許作兩片用兩磚對立竹仰磚上以火燒之兩頭瀝白出取荆瀝亦然

烏藥順氣散 治風氣骨節疼痛遍身頑麻手足癱瘓言語澀

澁宜先疎氣道後隨証投藥

麻黃去節

烏藥

陳皮去白

川芎

白芷

桔梗

枳殼去穰炒

甘草炒各一兩

乾薑炮半兩

僵蠶炒一兩

右每服五錢薑水煎頭痛加葱白有汗加薄荷

八味順氣散

白朮

白茯苓

青皮

白芷

陳皮炒

烏藥

人參各一兩

甘草炙半兩

右每服五錢水煎

婦人頭放 婦人頭放 婦人頭放 婦人頭放

導痰湯

半夏

南星

茯苓

陳皮

枳實炒

甘草炒

右薑水煎服

參蘇飲 治痰積中脘暈眩嘈雜怔忡噦逆或痰停關節手足

難曳口財吐余半身不遂嘔吐惡心頭疼發熱

人參

紫蘇葉

半夏

茯苓

乾葛

前胡各三錢

甘草炒

木香

陳皮炒

枳殼製

苦梗各半兩

右每服一兩薑水煎腹痛加芍藥

附子理中湯 治中寒不語四肢強直昔有武士守邊大雪出

帳觀瞻忽然暈倒又馬觀文之內厥逆惡寒腹痛服此悉愈

方見十一卷第八十一

牛黃清心丸 方見後

秦芎升麻湯 治風寒客於手足陽明經口眼喎斜惡寒風

四肢拘急其脈浮緊

秦芎二錢

升麻

乾葛

甘草

芍藥炒

人參各半兩

防風

桂枝各三錢

右每劑一兩連鬚葱白二莖水煎服

犀角散 治肝臟中風筋脈拘攣手足不收坐踞不得胸背強

直脇肋脹滿面赤心煩言語蹇澁或風流注四肢上攻頭面

作痛口眼喎斜脚膝痛乏

犀角屑二錢

石膏

羌活

羚羊角各一錢

人參

甘菊花

獨活

黃芩炒

天麻

枳殼去穢炒

當歸

黃芪

婦人頭放 婦人頭放 婦人頭放 婦人頭放

芎藭

白芷 各五分

白朮

甘草 五分

酸棗仁 炒

防風

薏苡仁散 治肝臟中風

薏苡仁

麻黃 去節各錢半

附子 炮去皮臍

川芎

柏子仁

桂心

枳殼 熱炒

石膏

細辛

獨活

羚羊角 各一錢

右薑水煎服

射干湯 治肝經受病多汗惡風善悲噎乾目下青黃可治急

灸肝胸百壯一黃一白不可治

射干

芍藥 各二錢半

薏苡仁 三錢

桂心 半錢

牡蠣

石膏 各二錢

右作一劑水煎服 前滾水下

黃芪丸 治骨蒸煩熱肢羸作痛口乾心躁睡臥不寧等症

黃芪 炒

麥門冬 去心

茯神

柴胡

甘草 炒

生地黄 各一兩

酸棗仁 炒

郁李仁 去皮

杏仁 去皮尖

枸杞子

人參

黃芩 炒各三錢

鱉甲 製二兩

右為末蜜丸桐子大每服三十九丸食遠清粥飲下

熬鬼丸 治骨蒸傳尸鬼氣伏連

麝香 三分

犀角 鎊

木香

白朮 各一兩

鬼箭羽

辰砂 另研

虎頭骨 酥炙

桃仁 去皮尖雙仁熱炒黃

雄黃 各一兩半

右為末蜜丸桐子大溫水下二十九丸此藥能辟瘟疾可佩之

地仙散 治骨蒸肌熱煩燥勞熱口乾能生津液而清肺火

地骨皮

防風

麥門冬 各五分

甘草 炒三分

婦人房事 辨此醫持卷之三

右水薑煎

加味牛黃散 治症同前或恍惚恐亂睡臥不得志意不定

牛黃

麝香

犀角鎊

羚羊角鎊

龍齒各另研

防風

天麻

獨活

人參

茯神去木

升麻

甘草炙

白蘚皮

遠志去心各二錢半

天竺黃三錢另研

硃砂另研水飛

鐵粉另研

麥門冬去心各半兩

右為末每服二錢煎麥門冬湯調

遠志湯

治症同前或偃臥不側悶亂冒絕若唇色正亦可治

急灸心膈百壯若青黃不定面色惺惺戰慄動者不可治

遠志去心二錢半

人參

石菖蒲

細辛

麻黃去根各半兩 赤芍藥

白朮各一兩

右為末每服二錢煎小麥湯調日二服

防風散

治脾臟中風多汗惡風身體怠惰四肢不能動色微黃不嗜食舌強語澁口喎斜僻肌膚不仁腹膨心煩翕翕發熱神思如醉其脈浮緩胸滿痰涎志意昏濁

獨活一錢半 防風 茯神去木 人參 附子炮去皮臍 前胡 沙參

半夏湯洗七次

黃芪炒 旋覆花 羚羊角鎊 甘草炙各一錢

白木湯

治症同前或腹滿身黃嘔吐酸水急灸脾膈百壯目下及手足青者不可治口角兩邊黃者可治

白木

厚朴薑製 防風各二錢 附子炮去皮臍 橘紅

白皮

五加皮各一錢 右水薑煎

細辛散

治症同前或肉熱肌膚淫淫如蟲行或汗大洩皮膚

不澤唇鼻黃色

婦人房事

辨此醫安卷之三

七

卷五

婦人產後 諸症 此藥 治之 效 驗 如 神

細辛 白木 獨活 附子炮去皮臍 肉桂 防風各一錢

厚朴薑製 麻黃去節各二錢 枳實炒 甘草炒各一錢五分 右水煎

防風麻黃散 治症同前或志意恍惚肢體沉重

防風 麻黃節去 人參 川芎 附子炮去皮臍 桂心 黃芪炒

赤茯苓 酸棗仁炒 白木 獨活 桑白皮炒各一錢

羚羊角鎊末一錢 甘草炒五分 右水煎服

五味子湯 治肺臟中風胃滿短氣冒悶汗出噓吸顫掉聲嘶

體重四肢痿弱其脈浮晝瘥夜甚偃臥冒悶其鼻兩邊下至

口上至眉其色白者急灸肺腧百壯若色黃其肺傷而為血

矣撮空拈衣摸床者必死

五味子幹炒 杏仁炒去皮尖 桂心各一錢 防風去蘆

甘草炙 赤芍藥 川芎各二錢 川椒分

右水煎服

獨活細辛散 治症同前或頭痛項強背痛鼻乾心悶語

中少氣四肢疼痛

獨活 細辛 附子炮去皮臍 甘菊花

麻黃去蘆 白芷 五味子幹炒 紫苑茸

赤茯苓 肉桂 白朮 川芎

桑白皮各一錢 甘草炙半錢 杏仁炙炒去皮 防風各一錢

右水煎服

獨活散 治腎臟中風腰疼不得俛仰或偏枯耳鳴語聲渾濁

面色浮腫骨節痠疼精神昏憤喜恐好忘而肌色黧壘身體

沉重多汗惡風隱曲不利或兩脚冷痺頭昏耳聾語音渾濁

獨活 附子炮去皮臍 當歸酒洗 防風

婦人產後 諸症 此藥 治之 效 驗 如 神

婦人良方 卷之五

天麻

桂心各一錢

川芎

甘菊花

次殼麩炒

山茱萸取

黃芪炒

丹參

牛膝酒浸

草薺酒浸

甘草炙

細辛

葛蒲

白朮各半錢

右水煎服

葶藶散

治症同前。或脊骨促痛。不能行立。肌膚黑色。兩脇赤黃如餅者。可治。急灸腎腧百壯。齒黃髮稿。面如土色者。不可。

葶藶散 治症同前。或脊骨促痛。不能行立。肌膚黑色。兩脇赤黃如餅者。可治。急灸腎腧百壯。齒黃髮稿。面如土色者。不可。

草薺酒浸

狗脊

杜仲炒去絲

白茯苓去皮各一兩

何首烏

天雄去皮臍泡

澤瀉各半兩

右為末每服二錢米飲調下

吳茱萸丸 治症同前。或惡風多汗。面色浮腫。腰膝疼痛。形色

憔悴

吳茱萸

細辛

白茯苓

獨活

山茱萸

取肉木香

牛膝酒浸

石斛

草薺

酒浸各半兩附子炮去皮臍

芎藭各二錢

右為末酒糊丸。桐子大。每服二十九丸。空心鹽湯下。日二服。

黃芪丸 治症同前。或麻痺腫痛。少氣肢體乏力。

黃芪炒

川椒炒

茴香炒

川烏頭去皮臍

狼毒

防風

川練子肉

白藜藜炒

地龍去土炒

黑附子炮去皮臍

赤小豆各等分

右為末酒糊丸。桐子大。每服二三十九丸。溫酒下。日二服。

四君子湯

六君子湯

補中益氣湯

四物湯 四方見二十四卷第六論

婦人良方 卷之五

十全大補湯

八珍湯

加味歸脾湯

加味逍遙散

理中湯

清暑益氣湯

十味香薷飲

東垣清燥湯

六味丸

獨參湯

小柴胡湯

蘇合香丸

羌活湯

甘草附子湯

平胃散

○婦人中風角弓反張方論第二

論曰。婦人氣虛。風入諸陽之經。或產後血虛。汗出。中風。體強。口
噤。腰背反張。名為發瘧。因太陽經先傷。風復感寒。而致如發瘧
狀。但脈沉遲。弦細。無汗。惡寒。名剛瘧。有汗。不惡寒。名柔瘧。無汗
者。葛根湯。小續命湯。有汗者。去麻黃。加葛根。

愚按仲景先生云。太陽病發汗太多。致瘧。風病。下之則瘧。三
因方云。氣血內虛。風寒濕熱所中。則瘧。以風能散氣。故有汗
而不惡寒。曰柔瘧。寒能澁血。故無汗而惡寒。曰剛瘧。非專於
風濕。因內虛發汗亡血。筋無所榮。而然。乃虛象也。竊謂傷寒

方見後

方見後

方見十一卷第十八論

二方見本卷第三論

方見四卷第二論

方見二十四卷第十二論

方見本卷第十三論

方見二十四卷第二論

方見後

汗下過度與產婦潰瘍等病及因尅伐之劑傷損氣血而變
若金衰木旺先用瀉青丸後用異功散腎水虛用六味丸肝
火旺先用加味小柴胡湯次用加味四物湯發熱用加味道
遙散若木侮脾土用補中益氣加芍藥山梔脾經鬱結用加
味歸脾湯脾土濕熱用大承氣湯大凡病後氣血虛弱用參
朮濃煎佐以薑汁竹瀝時時用之如不應十全大補湯更
不應急加附子或用參附湯緩則不救仍與後治驗參看

附治驗

一婦人脾胃虛弱忽痰壅氣喘頭搖目劄手揚足擲難以候
脈視其面黃中見青此肝木乘脾土用六君加柴胡升麻治
之而甦更以補中益氣加半夏茯苓而痊

葛根湯 治剛瘧無汗惡風

葛根 一錢

麻黃 去根

殭蠶 炒各三分

桂枝

粉草 炒

芍藥 各五分

大棗 三箇

右水煎出汗為度凡產後麻黃宜斟酌用

附木湯 治手足逆冷筋脈拘急汗出項強口噤痰瀉

附子 炮

白朮

獨活 各五分

川芎

肉桂 各三分

右棗水煎服

桂心白朮湯 治陰瘧手足厥冷筋脈拘急汗出不止

白朮

桂心

附子 炮

防風

川芎

甘草 各等分

右每服五錢薑棗水煎

八物白朮散 治陰瘧手足厥冷筋急脈拘而無汗者

白朮

麻黃 去根

茯苓

五味子 杵炒

羌活 各半兩

附子 炮

桂心 各三錢

良薑 一錢

婦人良方

薛氏醫按卷之三

右每服四錢薑水煎凡用麻黃宜斟酌不可過多

附方

通關散 治卒然牙關緊急腰背反張藥不得嚥

細辛

薄荷葉

牙阜角各等分

右為末每用少許吹鼻內候得噴嚏隨進湯藥

瀉青丸 方見二十四卷第三論

異功散 方見二十二卷第三論

六味丸 方見二十四卷第十一論

加味小柴胡湯 方見二十四卷第二論

補中益氣湯

加味四物湯 二方見二十四卷第六論

加味逍遙散

附方

秦苧升麻湯

省風湯 二方見本卷第一論

小柴胡湯 方見二十四卷第二論

四物湯 方見二十四卷第六論

八珍湯 方見二十四卷第四論

婦人中風不語方論第四

巢氏云脾脈絡胃夾咽連舌本散舌下心之別脈係舌本若心脾受邪則舌強不能言然喉嚨者氣之上下也會厭者聲之戶舌者聲之機唇者聲之扇若風寒客於會厭故卒然而瘖經云醉臥當風使人發瘖

愚按前症若因痰迷心竅當清心火若因濕痰舌強當清脾

婦人良方 熱若因風熱牙關緊急當清肝火若因風痰塞喉當導痰涎若因虛火上炎當壯水之主若因氣虛厥逆當益火之源若因腎虛舌瘡而不語當補腎氣

附治驗

一婦人因怒仆地痰湧不語灌牛黃清心丸稍甦用神仙解語湯加山梔柴胡桔梗漸愈又用六君柴胡山梔枳殼而痊一婦人忽然不語半年矣諸藥不應兩尺浮數先用六味九料加肉桂數劑稍愈乃以地黃飲子二十餘劑而痊男子多有此症亦用此藥治之

神仙解語丹 治心脾受風言語蹇澁痰唾溢盛

- 白附子 炮
- 石菖蒲 去毛
- 天麻
- 遠志 去心甘草水煮十沸
- 羌活
- 南星 牛膽礮如無
- 木香 半兩

十全大補湯

加味歸脾湯 三方見二十一卷第四論

大承氣湯 方見

參附湯 方見十二卷第三論

婦人中風口噤方論第三

夫中風口噤乃體虛受風入於頷頰蓋手三陽之經結於頷頰上夾於口風邪乘之則筋攣故牙關急而口噤也

愚按前症若風邪客於手足陽明經口眼喎斜用秦艽升麻湯若風熱傷氣用省風湯當與後方同用

附治驗

一婦人因怒經事淋瀝半月方竭遇怒其經即至甚則口噤筋攣鼻衄頭痛痰瘞搐搦瞳子上視此肝火熾甚以小柴胡

湯加熟地黃山梔釣藤治之後不復發

一婦人素陰虛患遍身瘙癢誤服祛風之藥口噤抽搐肝脈
洪數余曰肝血為陰為水肝氣為陽為火此乃肝經血虛火
盛耳宜助陰血抑肝火用四物麥門五味柴胡山梔生草菝
菝頓止又以八珍黃芪麥門五味釣藤炙草調理而痊

天南星散 治中風口噤四肢拘急或痰氣上壅

天南星薑汁炒黃 白附子炮 黑附子炮 烏蛇肉酒炙

全蝎炒等分 右為末每服半錢薑汁溫酒調灌

走馬散 治中風口噤四肢強直

黑附子炮 天麻各半 桂心 石膏

麻黃去根 蜀椒炒 川烏炮去皮尖 南星炮各一錢

麝香二分 右為末每服三分豆淋酒調灌

右為末麪糊丸桐子大每服二三十丸薄荷湯下

防風湯 治中風內虛脚軟語蹇

石斛一兩半 生地黃 杜仲去皮切 丹參各一兩

防風 川芎 麥門冬去心 桂心

獨活 右每服五錢棗水煎

竹瀝湯 治風中肝脾四肢不遂舌強語滯或痰涎上湧

蘇靈仙 附子炮 苦梗 蔓荊子

防風 枳殼去穢 川芎 當歸各等分

右每服四錢薑水煎入竹瀝半盞日四服忌飲茶

二黃獨活湯 治中風手足拘攣半身不遂失音不語

麻黃去根 黃芪半兩 黃芩七錢 獨活一兩

右每服四錢水煎取汗為效

小省風湯 治中風癱瘓口眼喎斜口噤不語手足頑麻

防風 南星湯炮各三兩 甘草各二兩

右每服四錢薑十片水煎

秦艽升麻湯 方見本卷第一論

愈風湯 治諸風肢體麻木手足不隨不能動履等症

天麻 牛膝同酒浸 草薢細研 玄參各六兩

杜仲七兩 羌活十四兩 當歸 熟地黃白製

生地黃各一斤 獨活五兩 肉桂三兩

右為末煉蜜丸桐子大常服五七十九病甚至百九空心食

前溫酒或白湯下

地黃飲子 治百氣虛弱舌瘡不能言足廢不能行

熟地黃白製巴戟去心 山茱萸去核 肉從蓉酒浸

石斛 附子炮 五味子炒 白茯苓

石菖蒲 遠志湯炮 桂心 麥門冬去心

右每服三錢入薄荷少許薑棗水煎服

牛黃清心丸 治諸風癱瘓語言蹇澀健忘恍惚頭目眩暈

中煩鬱痰塞喘嗽精神昏憤或尋常風痰咳嗽或傷寒陽症

汁下不解發熱煩渴其効如神

牛黃一兩 麝香 龍腦三味 羚羊角鎊末各

當歸酒洗 防風 黃芩 白朮

麥門冬去心 白芍藥各一兩 柴胡 桔槔

白茯苓 杏仁去皮 芎藭 肉桂

大豆黃卷 阿膠各一兩 蒲黃 人參去蘆

神麩各二兩 雄黃另研 甘草五兩 白欬七錢

神麩各二兩 雄黃另研 甘草五兩 白欬七錢

婦人良方 卷之二十三

乾薑 七錢

犀角 二兩

乾山藥 七兩

金箔 一千三百片內

大棗 一百枚 蒸熟去核

右各另為末煉蜜與棗膏丸每兩作十九丸用金箔為衣每服一丸溫水化下

蘇合香丸 治氣中痰氣上攻牙關緊急不省人事或卒暴氣

逆心痛鬼魅惡氣及一切氣滯等症

沉香

麝香

訶子肉

丁香

青木香

安息香

香附

萹撥

白檀

白檀 各二兩

薰陸香

蘇合油 各一兩

龍腦 另研

朱砂 另研

烏犀角 鈎末

右為末用安息香并煉蜜丸桐子大溫水化服四丸每兩作十九丸瘡黃蠟包裹為善

青州白丸子 治半身不遂口眼喎斜痰涎壅塞手足頑麻

半夏 七兩水洗

川烏頭 半兩去皮

南星 二兩

白附子 生用

右為末用絹袋盛之水浸日如急用以糊丸桐子大每服十丸鹽湯下

瓜蒂散

瓜蒂 二錢

赤小豆 五分

右為末每夜於鼻內噴之取下黃水內服涼劑

六君子湯 方見二十四卷第六論

○婦人風痺手足不隨方論第五

夫婦人風痺手足不隨或肌膚疼痛或肢體麻木蓋諸陽之經皆起於手足循行肢體因氣虛風邪所客而為患也

愚按經云邪之所湊其氣必虛前症若風邪淫旺或怒動肝

婦人良方 卷之二十三 主 荒

火。血燥筋攣。用加味逍遙散。脾肺氣虛。肌膚不仁。手足麻木。用三痺湯。若腎水虧損。不能滋養筋骨。或肝脾血虛。而筋痿痺。用六味丸。服燥藥而筋攣者。用四物。生甘草。氣血俱虛。用八珍湯。何醫林集要等方。新刊丹溪心法附錄云。若人大拇指麻木不仁。或手足少力。或肌肉微掣。三年內必有大風之症。宜先服八風湯。天麻丸。防風通聖散。以預防之。殊不知河間云。風者病之末也。所以中風有癱瘓者。非謂肝木之風內中。亦非六淫風邪外襲。良由五志過極。心火熾盛。腎水虛衰。不能制之。則陰虛陽實。而熱氣拂鬱。心神昏憤。筋骨無附。而卒倒無知也。治當以固元氣為要。若遽服八風等藥。則反傷元氣。適足以招風取中。仍參本卷首論主治。

附治驗

一婦人因怒吐痰胸滿。服二陳順氣化痰之劑。半身不遂。內熱口乾。形氣殊倦。余視之。乃肝火熾盛。而侮脾土也。用逍遙散。補中益氣湯。六味地黃丸。喜其慎疾。年餘而愈。

一孀婦胸脇脹痛。內熱晡熱。月經不調。肢體痠麻。不時吐痰。或用清氣化痰藥。喉間不利。白帶腹脹。又用清熱理氣藥。胸膈不寬。肢體時麻。余曰。此本鬱怒傷肝脾。前藥傷甚耳。朝用歸脾湯。以解鬱結。生脾氣。夕用加味逍遙散。以生肝血。清肝火。百餘劑而愈。後因怒肢體復麻。用補中益氣。加山梔茯苓。半夏而痊。後復怒病。再作月經如注。脈浮洪。而數。此肝火傷脾。不能攝血所致也。用六君芎歸炮薑一劑。而血止。用補中益氣。加炮薑茯苓半夏四劑。而胃醒。更用歸脾湯。逍遙散。調理而痊。

一婦人頭暈吐痰用化痰理氣藥肢體或麻服祛風化痰藥
肢體常麻手足或冷或熱此脾土虛而不能生肺金用補中
益氣加茯苓半夏炮薑二十餘劑脾氣漸復諸症稍愈更用
加味逍遙散三十餘劑而愈後因怒吐痰自服清氣化痰丸
飲食不進吐痰甚多胸脇脹滿余用六君子倍加參朮少加
木香數劑而康。

三痺湯 治血氣凝滯手足拘攣風痺等疾。

續斷酒浸炒 杜仲去皮切 防風 桂心

細辛 人參 白茯苓 當歸

白芍藥炒 黃芪炒 牛膝酒浸炒 甘草炒各五分

秦艽 生地黃 川芎 獨活各三分

右薑水煎服

五痺湯 治風寒濕氣客留肌體手足緩弱麻痺不仁。

片薑黃 羌活 白朮 防己各一錢

甘草各五分 右薑水煎服

附方

東垣羌活湯 治濕熱身重或眩暈麻木小便赤澀下焦痿軟

不能行履

羌活 防風 柴胡各一錢 藁朮

獨活 茯苓 澤瀉 猪苓

黃芪炒 甘草炙 陳皮 黃柏酒炒

黃連炒 蒼朮 升麻 川芎各五分

右水煎服

甘草附子湯 治風濕相搏骨節煩疼不時抽痛不能伸屈抑

婦人良方 薛氏醫案卷之三 三 荒

之則痛劇汗出短氣小便不利惡風不欲去衣或微腫痛

甘草炙一兩 附子一枚重一兩三四錢方是炮去皮尖不真不効

白朮炒一兩 桂枝二兩 右每服五錢水煎

八珍湯 治肝脾氣血俱虛不能養筋以致筋攣骨痛或不能

行履或發熱晡熱寒熱往來等症

加味逍遙散 治肝經風熱血燥筋攣肢體不遂內熱晡熱等

歸脾湯 三方見二十四卷第四論

六味丸 方見二十四卷第十一論

四物湯

補中益氣湯

六君子湯 三方見二十四卷第六論

婦人申風自汗方論第六

古方續命排風越痺等湯皆用麻黃取其發汗而散風邪也然而無汗者為宜若自汗者用之則津液轉脫反為大害故仲景云中風自汗用桂枝湯發搐口眼瞤動遍身出汗用獨活湯續命煮散以復榮衛而却風邪

遇按前症若腠理不固而自汗者用桂枝湯或防風白朮牡蠣湯若過服風藥而自汗者用白朮防風湯若陽氣虛弱而自汗者用芪附湯若兼盜汗用補中益氣湯送六味丸如不應

獨活湯 治風虛昏憤手足痠癢發熱及中風自汗等症

獨活 羌活 人參 防風

當歸 細辛 茯神去木 半夏薑制表

桂心 白薇 遠志去心 菖蒲

婦人良方 卷之五

川芎各五分 右薑水煎服

續命煮散 治風氣昏憤四肢無力口眼闞動或時搐搦或津液不足渴飲熱湯及產後中風自汗等症

防風 獨活 當歸 人參

細辛 葛根 芍藥炒 川芎

甘草炒 熟地黄自製 半夏薑製 遠志去心

荆芥穗各半兩 桂心七錢

右每服五七錢薑水煎汗不止加牡蠣粉五分

防風白朮牡蠣散 治中風氣虛腠理不密自汗不止等症

白朮炒 牡蠣煨 防風等分

右為末每服二三錢米飲下日三服如不止服黃芪建中湯

附方

柴胡桂枝湯 治傷風發熱自汗或鼻鳴乾嘔或痰氣

桂枝二錢 黃芩炒 人參 白芍藥炒各錢半

甘草炙 半夏薑製 生薑各一錢 柴胡四錢

大棗一枚 右作一劑水煎服

白朮防風湯 治服表藥過多而自汗者

白朮炒 黃芪炒各二兩 防風一兩

右每服五七錢水煎溫服未應倍之

芪附湯 方見十九卷第六論

補中益氣湯 方見二十四卷第六論

六味丸 方見二十四卷第十一論

當歸六黃湯 方見十九卷第六論

婦人筋脈痠癢方論錄也 新附

婦人良方 卷之三

醫學綱目云痙者筋脈急也痙者筋脈緩也急則引而縮緩則
縱而伸或縮或伸動而不止者名曰痙痙俗謂之發搐是也凡
癲癇風痙破傷風三症皆能痙痙但癲癇則仆地不省風痙痙
痙則角弓反張破傷風痙痙則有瘡口竊謂痙者屬肝經風熱
血燥或肝火妄動血傷痙者屬肝經血氣不足或肝火汗多亡
血以致手足伸縮不已抽搐不利若因風熱血燥用羚羊角散
加釣藤鈎山梔若肝火妄動用加味四物湯加釣藤鈎山梔若
肝經血氣不足用八珍湯加釣藤鈎山梔若肝火亡血用加味
逍遙散加釣藤鈎山梔如不應須用六味丸以補腎水生肝木
為主佐以前劑治之若其脈長弦者是肝之本脈也則易治其
脈短澁者是肺金剋肝木也則難治其面色青中見黑者是水
生木也當自愈青中見白者是金剋木也必難愈

附治驗方藥

一婦人素口苦月經不調或寒熱妊娠五月兩臂或拘急或
緩縱此肝火傷血所致也用四物加柴胡山梔丹皮釣藤鈎
治之而愈

一姪婦因怒寒熱頸項動掉四肢抽搐此肝火血虛風熱用
加味逍遙加釣藤鈎數劑而痊

附方

羚羊角散 方見十四卷第三論

加味四物湯 方見二十四卷第六論

八珍湯

加味逍遙散 二方見二十四卷第四論

六味丸 方見二十四卷第十一論

婦人良方

薛氏醫案卷之三

卷

卷

黃帝曰人之顫者何氣使然岐伯曰胃氣不實則諸脈虛諸脈虛則筋脈懈墮筋脈懈墮則行陰用力不復故為顫因其所在補分肉間醫學綱目云顫振與瘓癱相類瘓癱則手足牽引而或伸或屈顫振則但顫動而不伸屈也胃虛有痰用參朮以補氣茯苓半夏以行痰如實熱積滯用張子和三法

愚謂顫振者掉眩也易曰鼓萬物者莫疾乎風鼓之為言動也大抵掉眩乃風木之搖運也諸風掉眩皆屬于肝治法若肝木實熱用瀉青丸肝木虛熱用六味丸肺金剋肝木用瀉白散肝木虛弱用逍遙散加參朮鈞藤鈎脾血虛弱用六君子加芎歸鈞藤鈎胃氣虛弱用補中益氣湯加鈞藤鈎若產後顫振乃氣血虧損虛火益盛而生風也切不可風為論

富大補斯無誤矣

附治驗方藥

一婦人性善怒發熱經水非過期則不及肢體倦怠飲食少思而顫振余以為脾氣不足肝經血少而火盛也午前以補中益氣湯加茯苓貝母送六味丸午後以逍遙散送六味丸兩月餘而愈

一婦人身顫振口妄言諸藥不效余以為鬱怒所致詢其故蓋為素嫌其夫而含怒久矣投以小柴胡湯稍可又用加味歸脾湯而愈

附方

海藏愈風湯 治產後一切失血過多及汗後中風搐搦

交加散 治瘰癧或顛振或產後不省人事口吐痰涎。

當歸 荆芥穗 等分

右為細末每服三錢水一盞酒少許煎至七分灌下咽即有生理

增損柴胡湯 治產後或經適斷致手足牽搐咬牙昏冒異症

柴胡 八錢 黃芩 炒四錢 半夏 各二錢 石膏 四錢 知母 二錢 黃芪 炒五錢 甘草 錢二分

右為粗末每服半兩薑五片棗四枚水煎溫服

本事青藍丸 治肝腎虛損腰膝無力顛振躄曳

茴香 末三兩 兔絲子 末四兩 乾山藥 末二兩 青藍 一兩

右先將兔絲子洗淨無灰酒浸晒七日冬天近火煨炙乾另為細末和勻酒糊丸梧子大每服五七十九丸溫酒或鹽湯下

常服壯筋力進飲食一婦人素患足躄曳久服此藥獲效

本事星附散 治中風能言而手足躄曳脈虛浮而數

天南星 半夏 二味薄切片 黑附子 白附子 炮 川烏 炮 白僵蠶 炒 沒藥

人參 白茯苓 各等分

右為粗末每服二錢酒水各一盞同煎至八分去滓熱進三二服汗出即瘥○在桐廬有患此症用前藥三服得汗手足即能舉物

三因獨活散 治氣虛感風或驚恐相乘肝膽受邪使上氣不

守正位致頭招搖手足顛掉漸成目昏 獨活 地骨皮 細辛 芎藭

菊花 甘味 防風 去叉 甘草 炙等

婦人良方 右為粗末每服三錢水盞半煎至一盞去滓煎取清汁六分入竹瀝少許再煎一二沸食後溫飲日二服
世傳茯苓丸 治手臂抽牽或戰掉不能舉物服此藥立愈
治臂痛如神方見後并註兼治之法

附方

補中益氣湯 方見二十四卷第六論

六味丸 方見二十四卷第十一論

加味歸脾湯

逍遙散 方見二十四卷第四論

小柴胡湯 方見二十四卷第二論

婦人風寒臂痛方論第九

婦人臂痛或筋脈攣急遇寒則劇者由肝氣虛弱風寒客於經

絡故其脈緊細宜用柏子仁丸舒筋湯若臂痛而不能舉或痛無定處此脾虛邪氣相搏中脘伏痰故其脈沉細如此宜用茯苓丸控涎丹主之

愚按前症若肝血虛用加味逍遙散中氣虛用補中益氣湯血氣俱虛用八珍湯風熱血燥用秦芫地黃湯脾腎虛寒用柏子仁丸脾胃實熱用茯苓丸水不能生木用六味丸逍遙散怒動肝火用小柴胡加川芎當歸眩暈瞶熱用四物柴梔丹皮瞶熱月經不調用加味逍遙散食少體倦無寐盜汗用加味歸脾湯

附治驗

先太宜人遍身作痛筋骨尤甚不能屈伸如乾目赤頭眩痰壅胸膈不利小便赤短夜瀾殊甚遍身作痒如蟲行此屬肝

腎氣虛而熱也用六味地黃丸料加山梔柴胡而愈
柏子仁丸

柏子仁 二兩 熟地黃 自製 枳殼 去穰

覆盆子 炒 五味子 杵炒 附子 炮 石斛 酒蒸

鹿茸 酥炙 酸棗仁 炒 桂心 沉香

黃芪 各一兩 蜜水 一方 等分

右為末煉蜜丸桐子大每服三十九丸空心溫酒下

舒筋湯 治風寒所傷肩臂作痛及腰下作痛又名玉痺湯

片薑黃 一錢 甘草 炒 羌活 各三分 白朮

海桐皮 當歸 赤芍藥 各五分 右水煎服

茯苓丸 治脾氣虛弱痰邪相搏停伏中脘以致臂內筋脈攣急而痛

茯苓 二兩 半夏 薑製 枳殼 半兩 風化朴硝 一兩

右為末薑汁糊丸桐子大每服二十九丸食後薑湯下

控涎丹 凡人忽胸背手足頭項腰膝牽痛不定或頭痛昏倦

痰唾稠粘喉中鋸聲手脚重痺此痰涎伏於胸膈也宜此治

甘遂 去心 大戟 去皮 真白芥子 各等分

右為末糊丸桐子大臨臥薑湯下五七丸痰盛服十九

白芥子散 治臂痛牽引背脾或輟或作由榮衛循行失度痰

滯經絡或似癱瘓

真白芥子 木鱉子 各三兩 沒藥 另研

桂心 木香 各半 右為末每服一錢溫酒下

愚按前症方脾氣虛弱者必佐以六君子湯中氣虛弱者必
佐以補中益氣湯氣血虛者必佐以八珍湯脾氣鬱滯者必

佐以歸脾湯。肝經怒氣者，必佐以逍遙散。若專用前方治之，胃氣益虛，病氣益甚，不可不謹。

流氣飲 治七情氣滯，胸脇悶痞，咽喉不利，嘔喘面浮，二便不調，或氣攻肩背，脇肋作痛，或脚氣喘急，腹脹便閉，元氣充實者，宜用此藥慎之。

紫蘇葉

黃芪炒

青皮去白

當歸

半夏薑製

烏藥

芍藥炒

茯苓

桔梗

防風各五錢

川芎

陳皮各七錢五分

枳實麩炒

木香二錢五分

甘草炙五分

大腹子一兩 薑製

右每服半兩，薑棗水煎服。

交加散前方見

四物湯

治血滯中風，血虛手足不遂，如臂痛，加紅花煎前方見

烏藥順氣散加羌活木瓜。治外邪氣滯，筋骨作痛，或痰氣不利。

附方

秦艽地黃湯

治肝膽經風熱，血燥肩臂疼痛，或筋脈引急，或時牽痛，其內症發熱，或寒熱，或月經不調，或肢體酸痛等症。

秦艽

熟地黃自製 當歸各一錢

川芎

芍藥

牡丹皮

白朮

茯苓各一錢五分

釣藤鈎一錢

柴胡

甘草炙各三分

在木煎服

逍遙散

加味逍遙散

加味歸脾湯

八珍湯四方見

二十四卷第四論

婦人良方 薛氏醫書卷之三

六味丸 方見二十四卷第十一論

小柴胡湯 方見二十四卷第二論

四物湯

補中益氣湯 二方見二十四卷第六論

○婦人賊風偏枯方論第十

論曰賊風偏枯其狀半身不遂肌肉枯瘦骨間疼痛經云汗出偏枯使人偏枯如樹木一枝津液不到則枯槁被風所害古人有云醫風先醫血血行風自滅治法當用大八風湯增損茵芋酒續斷湯以養其血則風自祛矣

愚按醫風先醫血此論得之大抵此症多因胎前產後失於調養以致精血乾涸肝木枯槁治法當滋其化源考之生氣通天論曰風客淫氣精乃亡邪傷肝也陰陽應象大論曰風

氣通於肝風搏則熱盛熱盛則水乾水乾則氣不榮故精又亡此風病之所由作也

附治驗

一婦人性善怒常自汗月經先期余以為肝火血熱不信乃汎用降火之劑反致月經過期復因勞怒口噤呻吟肢體不遂六脈洪大面目赤色用八珍麥門五味山梔丹皮數劑漸愈兼用逍遙散六味丸各三十餘劑全愈

大八風湯 治中風偏枯失音不語時復恍惚或昏憤發熱

當歸

杏仁

甘草

桂心

乾薑

五味子

升麻

川烏

黃芩

芍藥

獨活

防風

川芎

麻黃

秦艽

石斛

婦人良方 薛氏醫書卷之三 荒八

續斷湯
 人參 茯神去木 石膏 黃芪炒
 紫苑各一兩 大豆三兩去皮炒 右每服五錢水煎服

當歸三兩 陳皮 芍藥炒 細辛各一兩
 生地黃二兩 續斷酒浸炒

右每服五七錢水煎臙寒下痢加熟附子一兩
 金生虎骨散 治半身不遂肌肉乾瘦忌用麻黃發汗恐津液

枯竭惟當潤筋養血消風
 當歸二兩 赤芍藥 續斷酒浸炒 白朮

蔓本 虎骨炙各五兩 烏蛇肉炙半兩
 右為末每服二錢酒調骨痛加生地一兩白朮加天雄半兩

虎脛骨酒 治中風偏枯四肢不隨一切風痺筋脈攣拳

石斛 石楠葉 防風 虎脛骨炙
 當歸 茵芋葉 杜仲炒 牛膝酒浸炒

續斷酒浸炒 芎藭 巴戟去心 狗脊各一兩

右以絹囊盛藥用酒一斗漬十日每服一盞溫飲
 附方

八珍湯 逍遙散二方見二十四卷第四

六味丸方見二十四卷第十一論

○婦人偏風口喎方論第十一
 論曰偏風口喎者因體虛受風而入足陽明胃經蓋足陽明之經上夾於口風乘之其筋偏急故也

愚按前症當參本卷首論治之
 婦人良方 薛氏醫案卷之三 三 荒八六

附治驗 方藥與前諸
治驗參看

一婦人懷抱鬱結筋攣骨痛喉間似有一核服烏藥順氣等藥口眼歪斜臂難伸舉痰涎愈多內熱晡熱食少體倦余以為鬱火傷脾血燥生風用加味歸脾湯二十劑形體漸健飲食漸進又用加味道遙散十餘劑痰熱少退喉核少消更用升陽益胃湯數劑諸症漸愈但臂不能伸此肝經血少而筋攣耳用六味地黃丸以滋腎水生肝血而愈

附方

升陽益胃湯 治脾胃虛弱肢體怠惰或體重節痛口舌乾渴飲食無味大便不調小便頻數飲食不消兼見肺病洒淅惡寒悽慘不樂乃陽氣不和也

羌活

獨活

防風 各五錢

柴胡

白朮

茯苓 湯者不用

澤瀉 各三錢

人參

黃連 炒

陳皮 各四錢

右每服三五錢薑棗水煎早溫服如小便愈而病益加是不宜利小便也當少減茯苓澤瀉

加味歸脾湯

加味道遙散

六味丸 方見二十四卷第十一論

○婦人怔忡驚悸方論第十二

夫心藏神為諸臟之主血氣調和則心神安靜若勞傷心血外邪乘襲則心神驚悸恍惚憂懼不安用排風湯治之

愚按丹溪先生云驚悸者血虛用硃砂安神丸痰迷心竅用定志丸怔忡者屬火屬痰思慮便動者屬虛時作時止者火

動也。假如病因驚而致驚，則神出其舍，痰乘而入矣。蓋人之所主者心，心之所養者血，心血一虛，神氣不守。此驚悸之所由作也。治當調養心血，和平心氣而已。金氏婦暑月赴筵，因坐次失序，自愧成病，言語失倫，兩脈弦數。余曰：當補脾導痰，清熱不信，以數巫者噴水呪之而死。或謂病既無邪，以邪治之，何至於死？予曰：暑月赴筵，外受蒸熱，辛辣適口，內傷鬱熱，而况舊有積痰，加之愧悶，其痰愈盛，又驚以法尺，益驚其神，而氣血不寧，噴以注水，閉其肌膚，而汗不得泄，內燔則陰既消，而陽不能獨立，不死何待？故滑伯仁先生云：若膽氣虛寒，用茯神湯，膽氣實熱，用酸棗仁丸，心氣虛熱，用定志膏，茯苓補心湯，心氣實熱，用硃砂安神丸，茯神散。

附治驗

方藥

文學歸雲橋內，月事不及期，忽崩血昏憤，發熱不寐，或謂熱妄行，投以寒劑，益甚。或謂胎成受傷，投以止血，亦不效。余曰：此脾氣虛弱，無以統攝故耳。法當補脾而血自止，用補中益氣加炮薑，不數劑而驗。惟終夜少寐，驚悸，別服八物湯不效。余曰：雜矣，乃與歸脾湯加炮薑以補心脾，遂如初。

一婦人勞則心跳怔忡，寒熱往來，用歸脾湯為主，佐以八珍湯，諸症漸愈。又用加味道遙散，寧志丸而安，後復作，服歸脾定志二藥，即愈。

一婦人患驚悸怔忡，日晡發熱，月經過期，飲食少思，用八珍湯加遠志、山藥、酸棗仁三十餘劑，漸愈。佐以歸脾湯，全愈。後因勞發熱，食少體倦，用補中益氣湯。又因怒，適月經去血不止，前症復作。先以加味道遙散，熱退經止，又用養心湯治之。

而痊
一婦人驚悸怔忡無寐自汗盜汗飲食不甘怠惰嗜臥用歸脾湯而愈至年餘懷抱鬱結患前症兼衄血便血仍用前湯而愈

扶神散 治五臟氣血虛弱驚悸怔忡宜用此安神定志

扶神 去木 人參 龍齒 另研 獨活

酸棗仁 炒各 防風 遠志 去心 桂心

細辛 白朮 炒各 乾薑 炮各

右為末每服四五錢水煎服或蜜為丸服

茯苓補心湯 治心氣不足善悲愁怒衄血面黃五心煩熱或咽喉痛舌本作強

茯苓 四兩 桂心 甘草 炒各 紫石英 煨

人參 各一 大棗 二十 麥門冬 去心 赤小豆

右水七升煎二升半分三服

茯神湯 治膽氣虛冷頭痛目眩心神恐畏不能獨處

茯神 去木 酸棗仁 炒 黃芪 炒 相子仁 炒 桂心 白芍藥 炒 五味子 杵炒各 甘草 炒各 右每服五錢薑水煎

酸棗仁丸 治膽氣實熱不得睡臥神思不安驚悸怔忡

茯神 去木 酸棗仁 炒 遠志 去心 柏子仁 炒 防風 各一 枳殼 炒 生地黃 杵膏 青竹茹 五分

定志丸 治心神虛怯所患同前或語言鬼怪喜笑驚悸

人參 茯苓 各一兩 菖蒲 遠志 去心各 荒八丸

右為末蜜丸如前服

養心湯 治心血虛驚悸怔忡不寧或盜汗無寐發熱煩躁

黃芪炒

白茯苓

茯神去木

半夏麩

當歸酒拌

川芎各半兩

辣桂去皮

柏子仁

酸棗仁炒

五味子杵炒

人參各三錢

甘草炙四錢

右每服三五錢薑棗水煎服

硃砂安神丸 治心經血虛頭暈心神驚悸等症

硃砂飛過

黃連酒洗

甘草炙五分

生地黄

當歸各一錢五分

右為末飯糊為丸每服十五丸如一二服不應當服歸脾湯

治要藥琴散

治心經實熱口乾煩渴眠臥不安或心神恍惚

茯神

麥門冬各一兩五錢

通草

升麻各一兩二錢半

大棗十二枚

紫苑

桂心各七錢五分

知母一兩一錢

赤石脂一兩七錢五分

淡竹茹五錢

右每服一兩水煎

補中益氣湯 方見二十四卷第六論

歸脾湯

八珍湯

加味逍遙散 三方見二十四卷第論

寧志丸 方見後

婦人失血心神不安方第十三原無

竊謂前症若脾肝鬱熱用加味逍遙散脾肝鬱結用加味歸脾湯脾胃虛弱氣血不足用八珍湯十全大補湯脾肺虛弱

氣血不足用補中益氣湯。六君子湯。痰氣鬱滯用六君。桔梗
貝母。如不應。審係氣虛。但補脾胃。如不應。用獨參湯。如惡寒
發熱。屬氣血俱虛。內熱。晡熱。屬血虛。作渴。面赤。是血脫。煩躁
皆宜甘苦之劑。以補陽氣。而生陰血。經云。血脫補氣。若用寒
涼之劑。以降火。則誤矣。仍審所屬之因而治之。

寧志膏 治失血心神不安。言語失常。不得安睡等症。

辰砂 另研 酸棗仁 炒 人參 白茯苓

琥珀 另研各 滴乳香 一錢

右為末。每服一錢。煎藥湯。空心調下。

附方

妙香散 治心氣不足。精神恍惚。虛煩少睡。盜汗等症。

甘草 炒五錢 遠志 去心炒 辰砂 另研 麝香 另研

山藥 一兩 人參 五錢 木香 根二錢 茯苓

茯神 去木 黃芪 各一兩 桔梗 五錢

右為末。每服二錢。溫酒調。

扶神湯 方見前

溫膽湯 治膽虛痰熱驚悸不眠

半夏 竹茹 枳實 炒各 陳皮

生薑 四兩 甘草 炒二兩 右每服一兩水煎

半夏湯 治膽腑實熱。精神恍惚。寒熱泄瀉。或寢汗增風。善息。

半夏 一錢 黃芩 一錢 遠志 一錢 生地黃 一錢

秫米 一合 酸棗仁 炒三錢 宿砂 一錢 右長流水煎服

獨參湯 治元氣虛弱。惡寒發熱。或作渴。煩躁。痰喘氣促。或氣

虛。卒中不語。口噤。或痰涎上湧。手足逆冷。或難產。產後不省。

婦人風邪

喘急用好人參二兩或三四兩炮薑五錢一劑煎徐徐服
蓋人參性寒故薑佐之如不應急加炮附子

加味逍遙散

加味歸脾湯

八珍湯

十全大補湯

四方見二十四卷第四論

補中益氣湯

六君子湯

方見二十四卷第六論

婦人風邪顛狂方論第十四

婦人顛狂由血氣虛而風邪所乘若邪并於陰則發狂邪并於
陽則發顛夫顛者卒發而意不樂直視仆地吐湧涎沫口喎目
急手足撩戾無所知識良久而甦狂者少臥不訊自高賢曰辨

智自貴倨妄笑歌樂妄行不休素問云陽厥狂怒飲以鉄落怒狂

出於肝肝屬木鉄落金也以金制木之意一婦人眼見鬼物言語失常循衣直視或

作心病治之無効投養正丹二服煎乳香送三生飲立愈養正丹

生飲方見本

卷第一論

愚按前症劉宗厚先生云有在母腹中受驚者或有聞大驚
而得者蓋驚則神不守舍舍空則痰涎歸之或飲食失節胃
氣有傷痰停胸膈而作當尋火尋痰固元氣若頑痰膠固上
膈必先用吐法若在腸胃亦須下之

竊謂此症若因元氣虛弱或痰盛發熱等皆是虛象如慢驚
症無風可祛無痰可逐但補脾胃生氣健旺神智自清痰涎
自化若誤用辛散祛逐腦屬之劑必為敗症

附治驗

婦人風邪

薛氏醫案卷之三

三九

荒九二

一婦人素清苦。因驚而癲。或用風痰等藥愈甚。余用參芪歸
木濃煎佐以薑汁竹瀝三片餘方愈。仍參十八十九卷狂
言譎語乍見鬼神方
防風茯神散 治風顛啼泣歌笑或心神恐懼或語言失常

防風

扶神去木

人參

遠志去心

龍齒

真痛去毛

石膏

牡蠣煨各

秦芫

禹餘糧服

桂心各五錢

甘草炒三

蛇蛻一條

右每服五錢水煎服

排風湯

牛黃清心丸

治諸風緩縱不隨言語蹇澁痰涎壅盛怔忡健

忘或發癲狂二方見本
卷首論

婦人飛尸血厥方論第十五

夫飛尸者。遊走皮膚。穿行臟腑。每發刺痛。變作無常。遁尸者。附

骨入肉。攻通血脈。見尸喪。聞哀哭。便發。風尸者。淫淫四肢。痛而
昏沉。得風。便作。沉尸者。纏骨結臟。內腫心脇。發而絞痛。遇寒
冷便作。注尸者。舉身沉重。精神錯雜。時覺昏憤。每至節氣。便作。
並宜蘇合香丸治之。

愚按丹溪云。凡人忽手足逆冷。肌膚起如米粒。頭面青黑。精
神恍惚。或錯言妄語。或牙關緊急。或昏寐仆倒。弔死問喪。入
廟登墓。多有此病。先以蘇合香丸灌之。次服調氣散。平胃散。
玉機微義云。卒厥飛尸。客忤鬼擊。口噤。用麻黃湯。寒厥表熱。
裏寒。則下利清。穀食入則吐。脈沉。手足冷。用四逆湯。熱厥腹
滿。身重難轉。面垢。謔語。遺溺。手足厥冷。自汗。脈沉滑。用白虎
湯。若人身忽然不動。目閉口噤。惡聞聲音。眩冒。頃時方寤。此
由出汗過多。氣併於血。陽獨上而不下。氣壅塞而不行耳。氣

過血還陰陽復通移時方寤名曰鬱冒亦名血厥宜服白薇湯倉公散

附治驗

錦衣楊永興舉家避青有僕沉醉失遮者既而神思昏昧遍身青傷各煎金銀藤湯灌之即愈

一婦人忽昏憤發譫語自云為前謀賴某人銀兩某神責我將你起解往城隍理問兩腳踝膝髻處皆青腫痛不可忍口

稱苦楚次日方甦痛尚不止用金銀藤兩許水煎服即愈一婦人入古墓患前症以紫金錠灌之即甦通政余子華太

常汪用之皆因往弔而卒死喪家想即是症

蘇合香丸

方見本草卷第四論

白薇湯

白薇

當歸各一兩

人參

甘草

右每服五錢水煎

倉公散 治卒中鬼擊心腹如刺下血不省及臥覺啞脚指不覺并諸毒等症

阜菝

藜蘆

雄黃研

礬石煨研各等分

右每用少許吹入鼻中未嚏再吹以得嚏為度

內鼻散 治尸厥脈動靜而若死用石菖蒲末吹鼻中仍以桂末安於舌上蘇合香丸亦可

硫黃散 治尸厥不省四肢逆冷腹中如雷鳴或痰氣不降硫黃一兩各另為細末

右每服三分酒調灌之良久再服即甦

附方

婦人良方

辛氏醫安卷之三

四

七

麻黃湯 治寒厥或傷寒惡風發熱身疼無汗者

麻黃 六錢

桂枝 四錢

甘草 二錢

杏仁 二十枚炒

右作一劑水煎服

調氣散 治氣厥不省或痰氣上壅及治氣滯胸膈不利

白豆蔻

丁香

檀香

木香 各二錢

藿香

甘草 六錢

砂仁 四錢

右為末每服二錢入鹽少許沸湯調下

四逆湯

白虎湯 方見七卷第二論

神仙追毒丸 又名紫金錠又名太乙丹 能解一切毒或狐狸毒

草毒菌河鮑疫死牛馬肉毒或蛇犬惡蟲所傷及鬼怪惡瘡

等毒或一廣斷腸草蛇毒化菌等毒

文蛤

即五倍子槌破洗焙為末三兩

山茨菰

去皮淨末二兩

千金子

一名續隨子去殼研去由一兩

麝香

二錢另研

紅牙大戟

去蘆焙為末一兩半

右用糯米濃飲和作四十粒用井華水或薄荷湯磨服利一兩次用粥止之修合須端午七夕重陽或天德月德日於淨室焚香修製効驗不能具述宜珍藏之凡人居家出入不可無此藥嶺外有婦與旅合陰以定年藥置食中且戒之日子幾時來果從其言彼復以藥解之可無恙若過期不往必死若遇此毒及前一應諸毒服前藥一粒或吐或下即愈昔有女子勞瘵為尸蟲所噬磨服一粒吐下小蟲更服蘇合香丸遂愈若菌蕈菰子砒石時行瘟疫山嵐瘴氣自縊溺水打折傷死瘀血內滯心頭微溫用薑湯磨灌一粒可甦其急喉閉

經喉風脾腫赤眼。癰疽發背。諸瘡湯火所傷。用東流水磨塗
并服。顛邪鬼氣鬼胎。煖酒磨服。余謂喉閉以下諸症。果能灼
見形病俱實。乃可用之。

十一

